

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), a u vezi sa članom 133. stav 2., članom 134. stav 5. i članom 139. stav 3. Poslovnika Skupštine Zeničko-dobojskog kantona - Treći prečišćeni tekst („Službene novine Zeničko-dobojskog kantona“, broj: 14/18, 18/18-isp., 7/19, 7/20 i 16/23), na prijedlog Ministarstva finansija, Vlada Zeničko-dobojskog kantona, na 8. sjednici, održanoj dana 21.12.2023. godine, d o n o s i

ZAKLJUČAK

I.

Vlada Zeničko-dobojskog kantona utvrđuje Amandman I na Prijedlog Budžeta Zeničko-dobojskog kantona za 2024. godinu, koji glasi:

„AMANDMAN I

U Prijedlogu Budžeta Zeničko-dobojskog kantona za 2024. godinu, u članu 3., u dijelu II, POSEBNI DIO (Rashodi i izdaci po budžetskim korisnicima), na razdjelu 22, budžetska organizacija 01, potrošačka jedinica 0001 - Ministarstvo za obrazovanje, nauku, kulturu i sport, ekonomski kod „821600 – Rekonstrukcija i investiciono održavanje“, planirani iznos od „2.000.000“, mijenja se i glasi „1.800.000“.

U Prijedlogu Budžeta Zeničko-dobojskog kantona za 2024. godinu, u članu 3., u dijelu II, POSEBNI DIO (Rashodi i izdaci po budžetskim korisnicima), na razdjelu 21, budžetska organizacija 01, potrošačka jedinica 0001 - Ministarstvo zdravstva, ekonomski kod „821300 – Nabavka opreme“, planirani iznos od „20.000“, mijenja se i glasi „220.000“.

II.

Zaključak sa obrazloženjem upućuje se u dalju skupštinsku proceduru.

III.

Zaključak stupa na snagu danom donošenja.

PREMIJER

Broj: 02-11-19017/23

Datum, 21.12.2023. godine

Z e n i c a

Nezir Pivić

DOSTAVLJENO:

1x Ministarstvo finansija,
1x Ministarstvo za obrazovanje, nauku, kulturu i sport,
1x Ministarstvo zdravstva,
1x Stručna služba Skupštine,
1x Stručna služba Vlade,
1x a/a.

O b r a z l o ž e n j e

I PRAVNI OSNOV

Pravni osnov za donošenje Zaključka sadržan je u članu 16. stav 4. Zakona o Vladi Zeničko-dobojskog kantona („Službene novine Zeničko-dobojskog kantona“, broj: 7/10 i 3/23), članu 133. stav 2., članu 134. stav 5. i članu 139. stav 3. Poslovnika Skupštine Zeničko-dobojskog kantona – Treći prečišćen tekst (Službene novine Zeničko-dobojskog kantona“, broj: 14/18, 18/18-isp., 7/19 i 7/20).

Članom 16. stav 4. Zakona o Vladi Zeničko-dobojskog kantona, propisano je da se zaključkom utvrđuju stavovi i pitanja od značaja za provođenje utvrđene politike, uređuju unutrašnji odnosi u Vladi i određuju zadaci kantonalnim organima uprave i službama Vlade.

Članom 133. stav 2. Poslovnika Skupštine Zeničko-dobojskog kantona, propisano je:

„Pravo predlaganja amandmana ima svaki poslanik u Skupštini, svaki klub poslanika radna tijela Skupštine i Vlada.“

Članom 134. stav 5. Poslovnika Skupštine Zeničko-dobojskog kantona, propisano je:

„Podnosilac prijedloga zakona može da podnosi amandmane do završetka pretresa prijedloga zakona.“

Članom 139. stav 3. Poslovnika Skupštine Zeničko-dobojskog kantona, propisano je:

„Amandman podnosioca prijedloga zakona, kao i amandman drugog ovlaštenog predlagača sa kojim se podnosilac prijedloga saglasio postaje sastavni dio prijedloga zakona.“

II RAZLOZI ZA DONOŠENJE

Članom 13. stav (1) Zakona o zdravstvenoj zaštiti („Službene novine Federacije Bosne i Hercegovine“, broj: 46/10 i 75/13), propisano je da društvena briga za zdravlje na nivou kantona obuhvata mjere za osiguranje i provođenje zdravstvene zaštite od interesa za građane na nivou kantona.

Iz planiranih sredstava izvršila bi se nabavka neuromodulacijskih odijela prilagođenih potrebama oboljelih od neuromišićnih oboljenja koja omogućavaju povećanje mobilnosti, smanjenja bola i povećanje samostalnosti putem elektromišićne stimulacije, a sa ciljem poboljšanja kvaliteta života oboljelih od neuromišićnih oboljenja.

Imajući u vidu navedeno, u skladu sa opredjeljenjem Vlade Kantona, predlaže se utvrđivanje Amandmana I Vlade Zeničko-dobojskog kantona na Prijedlog Budžeta Zeničko – dobojskog kantona za 2023. godinu.

III FINANSIJSKA SREDSTVA

Za donošenje i realizaciju ovog Prijedloga Zaključka nisu potrebna dodatna finansijska sredstva.